

慧日佛學班第 6 期（《大智度論》）

《大智度論》卷 39

〈釋往生品第四之中〉

（大正 25，343a13-348c5）

釋厚觀（2009.4.25）

【拾柒】第十七類菩薩：入超越定¹（導師《大智度論筆記》〔F037〕p.371）

【經】「舍利弗！有菩薩摩訶薩行般若波羅蜜時²，得四禪、四無量心、四無色定，遊戲其中——入初禪，從初禪起，入滅盡定。從滅盡定起，乃至入四禪；從四禪起，入滅盡定。從滅盡定起，入虛空處；從虛空處起，入滅盡定。從滅盡定起，乃至入非有想非無想處；從非有想非無想處起，入滅盡定。如³是，舍利弗！菩薩摩訶薩行般若波羅蜜，以方便力故⁴入超越定。」

【論】

一、滅盡定：小乘：菩薩不得；大：得⁵（導師《大智度論筆記》〔A038〕p.74）

問曰：若凡夫人不能入滅盡定，云何菩薩從初禪起入滅盡定？

答曰：

（一）小乘中說菩薩是凡夫，不能入滅盡定

《阿毘曇婆沙》中小乘如是說，⁶非佛三藏說。

¹ 〔入超越定〕
└ 不小果取證——是不退菩薩
（菩薩）└ 淨兜率天道——是賢劫菩薩
└ 未證四諦——是一生補處
└ 久劫修證——鈍根（導師《大智度論筆記》〔F037〕p.371）

² 〔時〕—【宋】【元】【明】【宮】。（大正 25，343d，n.7）

³ 《大正藏》原作「知」，今依《高麗藏》作「如」（第 14 冊，772b12）。

⁴ 〔故〕—【宋】【元】【明】【宮】【石】。（大正 25，343d，n.10）

⁵ 大小差別——小：菩薩無滅盡定；大：有。（導師《大智度論筆記》〔D009〕p.252）

⁶ （1）《大毘婆沙論》卷 153（大正 27，779c29-780a22）：

問：異生能入滅盡定不？尊者世友說：不能入。

契經說：為聖者定故。若異生能入者，亦應名異生定。

有說：異生必欣上地離下地染，如尺蠖虫。非想非非想處無上地可欣故，諸異生不能離彼染；若不離彼見所斷染，必無有能入滅盡定。故諸異生不能入此定。

有說：異生如入定，則如是如是身心安息；由安息故，加行慢緩，是以不能入滅盡定。

大德說曰：異生不能入滅盡定。以諸異生如入定，則如是如是我見堅牢，怖邊際滅、起深坑想，是故不能入滅盡定。

問：菩薩為入滅盡定不？

尊者世友說：不能入。契經說為聖者定故；若菩薩能入者，亦應名異生定。

有說：菩薩必欣上地離下地染，如尺蠖虫，廣說如前。

有說：菩薩能入此定，以諸菩薩求一切智，於一切處皆悉尋求。若當不能入此定者，何名尋求一切處耶？

大德說曰：菩薩不能入滅盡定。以諸菩薩雖伏我見，不怖邊際滅，不起深坑想，而欲廣修

〔二〕大乘中說，菩薩爲二乘聖者所不及，能得滅盡定

又，是菩薩，聖人尚不及，何況當是凡夫！

譬如六牙白象，雖被毒箭，猶憐愍怨賊！⁷如是慈悲心，阿羅漢所無。

畜生中猶尚如是，何況作人身離欲入禪而不得滅盡定！

二、超越定不能過二，云何菩薩能遠超

問曰：若菩薩得滅盡定，可爾，超越定法不能過二；若言「從初禪起乃至入滅盡定」，無有是法！

答曰：餘人（343b）雖有定法，力少故，不能遠超；菩薩無量福德智慧力，深入禪定，心亦不著，故能遠超。譬如人中力士，越⁸不過三四丈；若天中⁹力士，無復限數。

小乘法中，超一者是定法；菩薩禪定力大，心無所著，故遠近隨意。¹⁰

三、超越定與次第定孰勝〔二說〕（導師《大智度論筆記》〔A038〕p.74）

問曰：若爾者，超越者是大，次第定不應爲大？

答曰：

〔一〕二俱爲大

二俱爲大。所以者何？從初禪起至二禪，更無餘心，一念得入，乃至滅盡定皆爾。超越者，從初禪起入第三禪，亦不令餘心雜，乃至滅盡定，逆順皆爾。

〔二〕超越定勝

有人言：超越定勝。所以者何？但¹¹無餘心雜而能超越故。譬如槃馬¹²迴轉隨意。

般羅若故，於滅盡定心不樂入。勿令般若有斷有礙故，雖有能而不現入。此說菩薩未入聖位。

(2) 印順法師著《說一切有部爲主的論書與論師之研究》(p.263)：「法救對菩薩的認識，是非常深刻的。《大毘婆沙論》論到菩薩入滅盡定，阿毘達磨論者，以為菩薩是異生，沒有無漏慧，所以不能入；有以為菩薩遍學一切法，所以能入。」

(3) 唐·普光述《俱舍論記》卷5：「此滅盡定在於有頂，彼無有色，復欲滅心，恐成斷滅，而生怖畏，故不能起。又此滅盡定，唯聖道力所起，唯聖非凡。」(大正 41, 98a8-11)

⁷ (1) 參見《大智度論》卷 12 (大正 25, 146b27-c5)、卷 93 (714c25-29)，《摩訶僧祇律》卷 2 (大正 22, 240b27-241b23)，《經律異相》卷 11 (大正 53, 58b2-15)。

(2) 六牙白象護獵人。(導師《大智度論筆記》〔H013〕p.402)

⁸ (1) 越=蹕【元】【明】，=超【石】。(大正 25, 343d, n.14)

(2) 越(去一么、)：跳，騰躍。(《漢語大詞典(九)》，p. 1144)

⁹ [中]—【宋】【宮】【聖】【石】。(大正 25, 343d, n.15)

¹⁰ (1) 《大毘婆沙論》卷 165：「有說：諸超定者，本應漸起，若從彼超，法唯超一，勢不過故；如登梯時，亦應漸上，其有越者，莫能越二，勢不及故。有說：後起徑路，法皆如前，故但超一。」(大正 27, 836a27-b2)

(2) 《大智度論》卷 17：「復次，超越三昧中，從初禪起入第三禪，第三禪中起入虛空處，虛空處起入無所有處；二乘唯能超一，不能超二。菩薩自在超，從初禪起，或入三禪，如常法；或時入第四禪，或入空處、識處、無所有處，或非有想非無想處，或入滅受想定；滅受想定起，或入無所有處，或識處、空處、四禪乃至初禪——或時超一，或時超二，乃至超九。聲聞不能超二，何以故？智慧、功德、禪定力薄故。」(大正 25, 188b27-c6)

(3) 超越三昧：小但超一，大能超九。(導師《大智度論筆記》〔A038〕p.74)

〔拾捌〕第十八類菩薩：不小果取證——是不退菩薩（導師《大智度論筆記》〔F037〕p.371）

【經】「舍利弗！有菩薩摩訶薩行般若波羅蜜時，修四念處乃至十八不共法，不取須陀洹果、斯陀含果、阿那含果、阿羅漢果、辟支佛道；以方便力，為度¹³眾生故起八聖道分，以是八道，令得須陀洹果乃至辟支佛道。」

佛告舍利弗：「一切阿羅漢、辟支佛果及智，是菩薩摩訶薩無生法忍。舍利弗！當知是菩薩摩訶薩行般若波羅蜜，在阿鞞跋致地中住。」

【論】

一、何故不說菩薩行六度而但說得四念處等

問曰：何以不說是菩薩行六波羅蜜，而但說得四念處？

答曰：若說、若不說，當知是菩薩皆行六波羅蜜；於三十七品，或行、或不行。

二、釋「菩薩自不取二乘果，而能令眾生得二乘果」

「不證聲聞、辟支佛道」者，有大慈大悲、深入方便力等，如先說。¹⁴

※ 因論生論：自不得道果，云何能化人

問曰：自不得諸道果，云何能以化人？

答曰：

（一）二乘果及智，皆是菩薩法忍

佛自說因緣：「所謂聲聞、辟支佛果及智，皆是菩薩法忍。」但不受諸道果名字，¹⁵果及智皆入無生法忍中。¹⁶

（二）唯不取證，餘者皆行

復次，唯不取證，餘者皆行。¹⁷

三、釋「在阿鞞跋致地中住」

得菩薩道故，名（343c）為「阿鞞跋致」。

〔拾玖〕第十九類菩薩：淨兜率天道——是賢劫菩薩（導師《大智度論筆記》〔F037〕p.371）

【經】「舍利弗！有菩薩摩訶薩住六波羅蜜，淨兜率天道，當知是賢劫中菩薩。」

¹¹ 但=俱【宋】【元】【明】【宮】【聖】【石】。（大正 25，343d，n.16）

¹² 槃馬：指跨馬盤旋馳騁。《太平御覽》卷 489 引晉·裴啓《語林》：“殷公北征，朝士出送之，軍容甚盛，儀止可觀；陳說經略攻取之宜，眾皆謂必能平中原。將別，忽逞才，自槃馬，遂墜地。士以是知其必敗。”（《漢語大詞典（四）》，p.1214）

¹³ 〔度〕—【宋】【元】【明】【宮】【聖】【石】。（大正 25，343d，n.20）

¹⁴ 參見《正觀》第 6 期，p.105：《大智度論》卷 10（大正 25，132a18-b10），卷 15（169a28-b26），卷 19（197b21-c29），卷 21（218b17-c17），卷 24（235b21-c3），卷 27（261c22-262a16），卷 28（264a29-b10，266c2-6），卷 29（271c27-272a8），卷 35（319a27-b4），卷 36（322c28-323a17），卷 37（335a16-23）。另參見《大智度論》卷 43（371a29-b5），卷 48（405c23-406a9）。

¹⁵ 菩薩能得小德，但不住中：不受其名，行而不證。（導師《大智度論筆記》E003）p.290）

¹⁶ 小智小斷是菩薩無生忍：二乘果智是無生忍。得忍位不退，但不取證。（導師《大智度論筆記》〔E014〕p.311）

¹⁷ 菩薩能得小德，但不住中：不受其名，行而不證。（導師《大智度論筆記》E003）p.290）

【論】釋曰：

菩薩有各各道、各各行、各各願。是菩薩修業因緣，生兜率天上，入千菩薩會中，次第作佛。如是相，當知是賢劫中菩薩。

〔貳拾〕第二十類菩薩：未證四諦——是一生補處（導師《大智度論筆記》〔F037〕p.371）

【經】「舍利弗！有菩薩摩訶薩修四禪乃至十八不共法，未證四諦，當知是菩薩一生補處。

【論】

一、一生補處菩薩應生欲界之兜率天，云何說得四禪等

問曰：是一生補處菩薩應生兜率天，云何說「得四禪等」？

答曰：

〔一〕生兜率天上，離欲得四禪等

是菩薩生兜率天上，離欲得四禪等。

〔二〕離欲來久具足佛法，以方便力生兜率天

復次，是補處菩薩離欲來久具足佛法，以方便力，隨補處法，生兜率天。

二、釋「未證四諦」

「未證四諦」者，故留不證。若取證者，成辟支佛；欲成佛故不證¹⁸。¹⁹

〔貳拾壹〕第二十一類菩薩：久劫修證——鈍根（導師《大智度論筆記》〔F037〕p.371）

【經】「舍利弗！有菩薩摩訶薩無量阿僧祇劫修行，得阿耨多羅三藐三菩提。

【論】釋曰：

是菩薩雖種善根，求阿耨多羅三藐三菩提，以鈍根雜行故，久乃得之。²⁰以深種善根，故必得。²¹

〔貳拾貳〕第二十二類菩薩：菩薩常精進，不說無益事²²（導師《大智度論筆記》〔F038〕p.371）

【經】「舍利弗！有菩薩摩訶薩住六波羅蜜，常勤精進，利益眾生，不說無益之事。

【論】釋曰：

一、先有惡口故，發願不說無益事

是菩薩先有惡口故，發菩薩心願言：「我永離口四過，行²³是道。」

二、恐有謬錯故，不說無益事

¹⁸〔欲成佛故不證〕—【宋】【宮】【聖】。（大正 25，343d，n.23）

¹⁹菩薩行位——十住地菩薩修行：一生補處，未證四諦（以方便力隨補處法，故留而不取證）。（導師《大智度論筆記》〔A042〕p.81）

²⁰菩薩根性：鈍根無量阿僧祇劫得。（導師《大智度論筆記》〔F020〕p.351）

²¹利根鈍根：鈍根有深種善根者。（導師《大智度論筆記》〔C021〕p.223）

²²┌不說無益事

菩薩常精進（二人）└斷眾生三惡道（導師《大智度論筆記》〔F038〕p.371）

²³行=得【宋】【元】【明】【宮】。（大正 25，343d，n.27）

復次，此菩薩知是般若波羅蜜中諸法，無有定相，不可著、不可說相故。如是知能利益者，皆是佛法；若不能利益，雖種種好語，非是佛法。²⁴譬如種種好藥，不能破病，不名為藥；趣²⁵得土泥等能差²⁶病者，是名為藥。以是故，恐其謬錯故，不說無益之事。(344a)

〔貳拾參〕第二十三類菩薩：斷眾生三惡道 (導師《大智度論筆記》〔F038〕p.371)

【經】「舍利弗！有菩薩摩訶薩行六波羅蜜，常勤精進，利益眾生，從一佛國至一佛國，斷眾生三惡道。

【論】釋曰：是菩薩住六神通，到十方世界，遮上、中、下三種不善道。²⁷

〔貳拾肆〕第二十四類菩薩：菩薩——以財施人 (導師《大智度論筆記》 F038〕p.371)

【經】「舍利弗！有菩薩摩訶薩住六波羅蜜，以檀為首，安樂一切眾生——須飲食與飲食，衣服、臥具、瓔珞、花香、房舍、燈燭，隨其²⁸所須，皆給與之。

【論】釋曰：

菩薩有二種：一者、能令眾生離苦，二者、能與樂。

復有二種：一者、憐愍三惡道眾生，二者、憐愍人。

是菩薩與眾生樂、憐愍人故，隨所須皆與之。

〔貳拾伍〕第二十五類菩薩：相好——變身如佛，以法施三惡道²⁹ (導師《大智度論筆記》 F038〕p.371)

【經】「舍利弗！有菩薩摩訶薩行般若波羅蜜時，變身如佛，為地獄中眾生說法，為畜生、餓鬼中眾生說法。

【論】

一、何故菩薩變身如佛

問曰：是菩薩何以故³⁰變作佛身，似不尊重佛？

答曰：

〔一〕有眾生見佛身得度故

有眾生見佛身得度者，或有見轉輪聖王等餘身得度者，以是故變身作佛。

²⁴ 佛法：無有定相，不可著說。能利益者，皆是佛法；不能利益（機）者，好語亦非。(導師《大智度論筆記》〔C008〕p.196)

²⁵ 趣：通“取”。求取，採取。(《漢語大詞典（九）》，p.1142)

²⁶ 差（彳丩丿）：病除。《方言》第三：“差，愈也。(《漢語大詞典（二）》，p.973)

²⁷ 參見《大智度論》卷 86〈74 遍學品〉：「十不善道，有上、中、下：上者，地獄；中者，畜生；下者，餓鬼。」(大正 25，663a17-18)

²⁸ 〔其〕—【宋】【元】【明】【宮】。(大正 25，344d，n.1)

²⁹ 〔以法施三惡道

〔變身如佛〕—以法施眾生，供佛、聞法、嚴土

相好（四人）—相好嚴身諸根明利，以三乘度眾生

〔諸根淨利，不自高下他

(導師《大智度論筆記》〔F038〕p.371)

³⁰ 〔故〕—【宋】【宮】【聖】【石】。(大正 25，344d，n.3)

(二) 若以佛身入地獄，則閻羅王諸鬼神不遮礙故

復次，世間稱佛名字是大悲、是世尊。若以佛身入地獄者，則閻羅王諸鬼神不遮礙——是我所尊者師，云何可遮！

二、釋「爲三惡道眾生說法」

(一) 地獄眾生常有苦痛，云何可化

問曰：若地獄中火燒，常有苦痛，心常散亂，不得受法，云何可化？

答曰：是菩薩以不可思議神通力，破鑊³¹滅火、禁制獄卒，放光照之，眾生心樂，乃爲說法，聞則受持。

(二) 三惡道聞法得益（差別）（導師《大智度論筆記》〔A062〕p.102）

1、地獄道：若地獄眾生能聞菩薩說法，有得道者耶

問曰：若爾者，地獄眾生有得道者不？

答曰：雖不得道，種得道善根因緣。所以者何？以重罪故，不應得道。

2、畜生道

畜生道中當分別：或得者，或不得者。如阿那婆達多龍王、沙³²竭龍王等得菩薩道。³³

3、餓鬼道

鬼神道中，如夜叉、密迹金剛³⁴、鬼子母³⁵等，有得見道，是³⁶大菩薩。（344b）

³¹ 鑊（尸乂乙、）：無足鼎。古時煮肉及魚、臘之器。（《漢語大詞典（十一）》，p. 1417）

³² 沙=娑【宋】【元】【明】【宮】。（大正 25，344d，n.6）

³³ （1）印順法師著〈方便之道〉，《華雨集（二）》（p.102- p.103）：「娑伽度龍王十住[地]菩薩，阿那婆達多龍王七住菩薩」，與這兩位龍菩薩有關的，有《海龍王經》與《弘道廣顯三昧經》。《法華經》說：八歲龍女，立刻轉男子身，於南方無垢世界成佛。《大樹緊那羅王所問經》的當機者，是一位現緊那羅身的大菩薩。《維摩詰所說經》說：「十方無量阿僧祇世界中作魔王者，多是住不可思議解脫菩薩」。屬於四大王眾天的鬼、畜天，是菩薩而蒙佛授記的，著實不少。

（2）印順法師著《初期大乘佛教之起源與開展》（p.27）：「《龍王問經》、《龍王經》：論上說：『阿那婆達多龍王、沙竭龍王等得菩薩道』；『娑伽度龍王十住菩薩，阿那婆達多龍王七住菩薩』。應是竺法護所譯的《海龍王經》。」

（3）另參見《大智度論》卷 4（大正 25，92b），《妙法蓮華經》卷 4（大正 9，35b-c），《佛說海龍王經》（大正 15，131c8-157b3），《佛說弘道廣顯三昧經》（大正 15，488b15-507a23），《大樹緊那羅王所問經》（大正 15，367b17-389a3），《維摩詰所說經》卷中（大正 14，546b20-547a17）。

³⁴ （1）印順法師著〈方便之道〉，《華雨集（二）》（p.103）：「經中有金剛手，也名執金剛，或譯密迹金剛力士，是從手執金剛杵得名的，本是一切夜叉的通稱，如帝釋手執金剛杵，也是夜叉之一。」

（2）印順法師著《初期大乘佛教之起源與開展》（p.25- p.26）：《密跡經》，《密跡金剛經》：與晉竺法護所譯《密跡金剛力士經》同本，現編入《大寶積經》第三會。《大寶積經》〈密跡金剛力士會〉卷 9（大正 11，52c-53a）。

（3）參見《根本說一切有部毘奈耶雜事》卷 17（大正 24，283a26-b6）。

（4）另參見印順法師著《佛教史地考論》（p.247），〈契理契機之人間佛教〉，《華雨集（四）》（p.27）。

³⁵ 參見《佛說鬼子母經》（大正 21，290c3-291c），《雜寶藏經》卷 9（第 106 經）（大正 4，492a12-29），

【貳拾陸】第二十六類菩薩：相好——變身如佛，以法施眾生，供佛、聞法、嚴土（[F038] p.371）

【經】「舍利弗！有菩薩摩訶薩行六波羅蜜時，變身如佛，遍至十方如恒河沙等諸佛世界，為眾生說法；亦供養諸佛及淨佛世界，聞諸佛說法，觀採十方淨妙國土³⁷相而已³⁸，自起殊勝世界。其中菩薩摩訶薩皆是一生補處。³⁹

【論】釋曰：

一、變身如佛，為十方世界眾生說法

是菩薩遍為六道說法，以佛身為十方眾生說法。若眾生聞弟子教者，不能信受；若聞佛獨尊自在者說法，信受其語。

二、菩薩為二事因緣故供養諸佛、莊嚴世界

是菩薩二事因緣故，供養諸佛、莊嚴世界：聞莊嚴世界法，到十方佛國，取清淨世界相。

三、釋「其中菩薩摩訶薩皆是一生補處」

行業因緣，轉復殊勝，光明亦多。所以者何？此國土⁴⁰中，皆一生補處菩薩。

※ 因論生論：先說「兜率天上」一生補處菩薩，今云何說「他方世界」菩薩皆是一生補處

問曰：若先已⁴¹說「兜率天上一生補處菩薩」，今云何說「他方世界菩薩皆一生補處」？

答曰：兜率天上一生補處者，是三千世界常法；餘處不定。

所謂第一清淨者，轉身成佛⁴²故。

【貳拾柒】第二十七類菩薩：相好嚴身諸根明利，以三乘法度眾生（[F038] p.371）

【經】「舍利弗！有菩薩摩訶薩行六波羅蜜時，成就三十二相，諸根淨利。諸根淨利故，眾人愛敬；以愛敬故，漸以三乘法而度脫之。如是，舍利弗！菩薩摩訶薩行般若波羅蜜時，應學身清淨、口清淨。

【論】釋曰：

一、釋「成就三十二相，諸根淨利，眾人愛敬，漸以三乘法而度脫之」

（一）成就三十二相

是菩薩欲令眾生眼見其身得度故，以三十二相莊嚴身。

（二）諸根淨利

「諸根淨利」者，眼等諸根明利，出過餘人；信、慧根諸心數根等，利淨第一。

《訶利帝母真言經》大正 21（289b19-290b23）。

³⁶ 是=有【聖】。（大正 25，344d，n.8）

³⁷ 國土=佛國【宋】【元】【明】【宮】，=佛國土【聖】，=國【石】。（大正 25，344d，n.9）

³⁸ 已=以【宋】【元】【明】【宮】【聖】。（大正 25，344d，n.10）

³⁹ 參見《光讚經》卷 2〈行空品〉（大正 8，157b22-28），《放光般若經》卷 2〈學五眼品〉（大正 8，8b5-9），《大般若波羅蜜多經》卷 404〈觀照品〉（大正 7，20a17-23）。

⁴⁰ [土]—【宋】【元】【明】【宮】【聖】【石】。（大正 25，344d，n.11）

⁴¹ 《大正藏》原作「己」，今依《高麗藏》作「已」（第 14 冊，774a19）。

⁴² 佛+（道）【宋】【元】【明】【宮】【聖】【石】。（大正 25，344d，n.13）

（三）眾人愛敬，漸以三乘法而度脫之

見者歎其希有：「我無此事！」愛敬是菩薩，信受其語，世世具足道法，以三乘道入涅槃。

二、相好、諸根淨利之因緣：身口業清淨

是三十二相、眼等諸根，皆從身口業因緣清淨得；以是故，佛說：「菩薩應當淨身口業。」

（貳拾捌）第二十八類菩薩：相好——諸根淨利，不自高下他（導師《大智度論筆記》〔F038〕p.371）

【經】「舍利弗！有菩薩摩訶薩行六波羅蜜時⁴³（344c）得諸根淨，以是淨根而不自高、亦不下他。」

【論】釋曰：

一、釋「行六波羅蜜時得諸根淨」

是菩薩常深淨行六波羅蜜故，得眼等諸根淨利，人皆愛敬；慧等諸心數法根，淨利無比，為度眾生故。

二、釋「不自高，亦不下他」

世間常法，若得殊異，心則自高，輕諸餘人，作是念：「汝無此事，我獨有此！」以是因緣故，還失佛道。

如經中說：「菩薩輕餘菩薩，念念一劫，遠於佛道；經爾所劫，更修佛道。」⁴⁴

以是故而不自高，亦不下他。

（貳拾玖）第二十九類菩薩：住施戒度乃至阿鞞跋致地，終不墮惡道⁴⁵（〔F038〕p.372）

【經】「舍利弗！有菩薩摩訶薩從初發心住檀波羅蜜、尸羅波羅蜜，乃至阿鞞跋致地，終不墮惡道。」

【論】釋曰：

一、從初發心乃至阿鞞跋致地，終不墮惡道

⁴³〔時〕—【宋】【元】【明】【宮】【聖】【石】。（大正 25，344d，n.14）

⁴⁴（1）《摩訶般若波羅蜜經》卷 19〈62 魔愁品〉：「阿難！若未受記菩薩向得記菩薩生惡心，諍鬪罵詈，隨起念多少劫，若干劫數若不捨一切種智，然後乃補爾所劫大莊嚴。」（大正 8，356c13-16）

（2）《大般若波羅蜜多經》卷 455〈61 同學品〉：「若菩薩摩訶薩未得無上大菩提記，於得無上大菩提記諸菩薩摩訶薩，起瞋忿心，鬪諍、輕蔑、罵辱、誹謗。是菩薩摩訶薩隨起爾許念不饒益心，還退爾許劫曾修行；經爾許時遠離善友，還受爾許生死繫縛。若不棄捨大菩提心，還爾許劫被戴甲冑，勤修勝行，時無間斷，然後乃補所退功德。」（大正 7，297a13-23）

（3）輕餘菩薩，念一劫，遠於佛道。（導師《大智度論筆記》〔G011〕p.385）

⁴⁵「終不墮惡道」
「乃至阿鞞跋致地」—常不捨十善
住檀尸—「立眾生於十善，以財物施眾生」
「作輪王」—常值遇多佛供養敬讚
（導師《大智度論筆記》〔F038〕p.372）

是菩薩從初已來，性⁴⁶畏惡道，所作功德，願不墜墮。

「乃至阿鞞跋致地」者，以未到中間，畏墮惡道，故作願。

菩薩作是念：「若我墮三惡道者，自不能度，何能度人？又受三惡道苦惱時，以瞋惱故，結使增長，還起惡業，復受苦報；如是無窮，何時當得修行佛道？」

二、釋疑：若持戒能不墮惡道，何以更說布施

問曰：若持戒果報不墮惡道者，何以復說布施？

答曰：

(一) 布施亦能不墮惡道

持戒是不墮惡道根本，布施亦能不墮。

(二) 若僅持戒，生人中貧窮不能自利利人，故復行布施

復次，菩薩持戒，雖⁴⁷不墮惡道中，生人中貧窮，不能自利，又不益人；以是故行布施。

三、例餘波羅蜜

餘波羅蜜，各有其事。

〔參拾〕第三十類菩薩：乃至阿鞞跋致地，常不捨十善（導師《大智度論筆記》〔F038〕p.372）

【經】「舍利弗！有菩薩摩訶薩，從初發心乃至阿鞞跋致地，常不捨十善行。」

【論】釋曰：

一、為令知如何行尸羅波羅蜜故說常行十善

佛說持戒故不墮惡道，布施隨逐；今不知云何行尸羅波羅蜜，乃至阿鞞跋致地，是故復說「常行十善」。

二、但持戒牢固，不捨十善，能不墮三惡道

復次，先菩薩持戒不牢固，布施隨助；今說：「但持戒牢固，不捨十善，不墮三（345a）惡道。」

〔參拾壹〕第三十一類菩薩：住施戒度中，作輪王，立眾生於十善道，以財物施眾生（〔F038〕p.372）

【經】「舍利弗！有菩薩摩訶薩，住檀波羅蜜、尸羅波羅蜜中，作轉輪聖王，安立眾生於十善道，亦以財物布施眾生。」

【論】釋曰：

一、以施、戒度因緣作轉輪聖王，亦以施、戒利益眾生

是檀、尸羅波羅蜜因緣故，作轉輪聖王。

行尸羅波羅蜜故，能令眾生信受十善。

行檀波羅蜜故，以財寶給施眾生亦不可盡。

二、釋疑：是否一切菩薩皆行施戒二度而作轉輪聖王

⁴⁶ 性＝怖【元】【明】。（大正 25，344d，n.15）

⁴⁷ 雖＋（能）【宋】【元】【明】【宮】。（大正 25，344d，n.16）

問曰：一切菩薩皆行是二波羅蜜作轉輪聖王不？

答曰：不必然也！何以故？如此品中，諸菩薩種種法入佛道。⁴⁸

有菩薩聞轉輪聖王儀法，在此處能利益眾生，故作是願。

或有菩薩種轉輪聖王因緣，雖不作願，亦得轉輪聖王報。⁴⁹

三、結

自行二波羅蜜故，作轉輪聖王，亦教一切眾生行十善道，亦自行布施。

〔參拾貳〕第三十二類菩薩：住施戒度，作輪王，常值遇多佛供養敬讚（〔F038〕p.372）

聞者生疑：「爲一世作？爲世世作？」以是故——

【經】佛告⁵⁰舍利弗：「有菩薩摩訶薩，住檀波羅蜜、尸羅波羅蜜，無量千萬⁵¹世作轉輪聖王，值遇無量百千諸佛，供養恭敬，尊重讚歎。

【論】釋曰：

一、作轉輪聖王大益眾生

若菩薩知作轉輪聖王大益眾生者，便作轉輪聖王；若自知餘身益大，亦作餘身。

二、作轉輪聖王供養諸佛

復次，欲以世間法大供養佛故，作轉輪聖王。

〔參拾參〕第三十三類菩薩：住般若（聞思），常以法照明眾生亦自照⁵²（〔F038〕p.372）

一、常以法照明眾生亦自照，不淨之三業不令妄起

【經】「舍利弗！有菩薩摩訶薩常為眾生以法照明，亦以自照；乃至阿耨多羅三藐三菩提，終不離照明。舍利弗！是菩薩摩訶薩於佛法中已得尊重。舍利弗！以是故，菩薩摩訶薩行般若波羅蜜時，身口意不淨不令妄起。」

【論】釋曰：

（一）釋「以法照明，亦以自照」

上菩薩行檀、尸波羅蜜作轉輪聖王；是菩薩但分別諸經，讀誦⁵³、憶念、思惟、分別〔345b〕諸法，以求佛道。⁵⁴以是智慧光明，自利益，亦能利益眾生；如人闇道中然燈，亦能自益，亦能益人。

⁴⁸ 菩薩種種法入佛道，如〈往生品〉。（導師《大智度論筆記》〔D030〕p.279）

⁴⁹ 轉輪聖王：菩薩不必皆作輪王。或有願作，或無願得報。（導師《大智度論筆記》〔D025〕p.274）

⁵⁰ 〔佛告〕—【元】【明】【聖】。（大正 25，345d，n.2）

⁵¹ 萬=佛【明】。（大正 25，345d，n.3）

⁵² 住般若（聞思），常以法照明眾生，亦自照（導師《大智度論筆記》〔F038〕p.372）

┌淨佛道——一切法不可得故

| ┌六度

| 無能壞——不念一切法故

菩薩住般若（五人）├具智慧——此慧能具足一切法，亦不得一切法

| 淨五眼

└得六通

（導師《大智度論筆記》〔F038〕p.372）

(二) 釋「終不離照明」

1、讀誦思惟經法，以求佛道，終不離智慧光明

「終不離」者，是因緣故，終不離智慧光明，乃至阿耨多羅三藐三菩提。

2、清淨說法，令眾生知諸法實相，世世不失智慧光明

復次，是菩薩清淨法施，不求名利供養恭敬，不貪弟子，不恃智慧，亦不自高、輕於餘人，亦不譏刺⁵⁵；但念十方諸佛慈心念眾生，我亦如是學佛道：說法無所依止、適⁵⁶無所著，但為眾生，令知諸法實相。⁵⁷如是清淨說法，世世不失智慧光明，乃至阿耨多羅三藐三菩提。

(三) 釋「已得尊重」

「已得尊重」者，上諸菩薩能如是者，於諸眾生皆為尊重。

(四) 釋「身、口、意不淨，不令妄起」

「身、口、意不淨不令妄起」者，

1、若起身口意惡，聞者不信，智慧不明，不能善行菩薩道

能以清淨法施者，不應雜起身口意惡業。所以者何？若起身口意惡者，聞者或不信受。若意業不淨，智慧不明——智慧不明不能善行菩薩道。

2、若雜罪行，行道則難，不能疾成佛道

復次，不但此一菩薩，上來菩薩能行此法者，皆名尊重佛教。若菩薩欲行菩薩道，皆不應雜罪行；一切惡罪業，不令妄起。雜行者，於行道則難，不能疾成佛道，罪業因緣壞諸福德故。

二、菩薩三業不淨與身口意 麁業

(一) 舍利弗問：云何為菩薩三業不淨

【經】舍利弗白佛言：「世尊！云何菩薩身業不淨、口業不淨、意業不淨？」

【論】

※ 舍利弗何故問菩薩三業不淨事

問曰：舍利弗智慧第一，何以故不識身、口、意惡業？

⁵³ 讀誦＝誦讀【宋】【元】【明】【宮】【聖】。(大正 25, 345d, n.4)

⁵⁴ 菩薩種種法入佛道，如〈往生品〉：有但分別諸經、讀誦、憶念、思惟、分別諸法，以求佛道。(導師《大智度論筆記》D030] p.279)

⁵⁵ 譏刺：譏評諷刺。(《漢語大詞典(十一)》，p. 434)

⁵⁶ 適：1、去，往。《楚辭·離騷》：“心猶豫而狐疑兮，欲自適而不可。”王逸注：“適，往也。”2、歸向，歸從。《左傳·昭公十五年》：“好惡不愆，民知所適，事無不濟。”杜預注：“適，歸也。”孔穎達疏：“言皆知歸於善也。”3、恰當，得當。銀雀山漢墓竹簡《孫臏兵法·兵情》：“弩張柄不正，偏強偏弱而不和，其兩洋(廂)之送矢也不壹，矢雖輕重得，前後適，猶不中〔招也〕。”《尚書大傳》卷二：“一適謂之攸好德，再適謂之賢賢，三適謂之有功。”鄭玄注：“適猶得也。”(《漢語大詞典(十)》，p.1160)

⁵⁷ (1) 清淨法施、不求名利恭敬供養，不貪弟子，不恃智慧，不自高輕人、不譏刺，但慈心眾生，說法無所著。(導師《大智度論筆記》A033] p.62)

(2) 檀——清淨法施：不求名利恭敬供養，不貪弟子，不恃智慧，不自高輕人、不譏刺，但慈心眾生，說法無所著。(導師《大智度論筆記》[A033] p.62)

答曰：

1、舍利弗雖知聲聞法，不知菩薩事故問

舍利弗於聲聞法中則知，菩薩事異故不知；如說若菩薩生聲聞、辟支佛心，是為菩薩破戒。⁵⁸以是故舍利弗疑，不知何者是菩薩罪、非罪。

2、舍利弗以十不善為三罪業，佛答菩薩取身口意相，是為菩薩身口意罪

復次，舍利弗知身三不善道、口四不善道、意三不善道，是為身、口、意罪。此中佛答：「若菩薩取身口意相，是則為菩薩身口意罪。」如是（345c）等因緣故，舍利弗問。

（二）佛答：若菩薩取身口意相作緣，是為菩薩三罪業，能生六蔽心

【經】佛告舍利弗：「若菩薩摩訶薩作是念：『是身、是口、是意。』如是取相作緣，舍利弗！是名菩薩身口意罪。舍利弗！菩薩摩訶薩行般若波羅蜜時，不得身、不得口、不得意。舍利弗！菩薩摩訶薩行般若波羅蜜時，若得身、得口、得意，用是得身口意故，能生慳心、犯戒心、瞋心、懈怠心、亂心、癡心。當知是菩薩行六波羅蜜時，不能除身口意麁業。」

【論】釋曰：

1、於三業取相為罪

（1）若不見三業是為無罪，若見三業是為罪

佛示舍利弗：法空中菩薩，不見是三業，是為無罪；若見是三業，是為罪。

（2）大小差別——十不善道為罪，見三業為罪（導師《大智度論筆記》 D009〕 p.252）

A、標宗

（A）聲聞法以十不善道為罪

聲聞法中，十不善道是為罪業。

（B）大乘法見三業為罪

摩訶衍中，見有身口意所作是為罪。所以者何？有作、有見，作者、見者皆是虛誑故。

B、舉喻

麁人則麁罪，細人則細罪。

如離欲界欲⁵⁹時，五欲、五蓋為惡罪，初禪攝善覺觀為無罪；離初禪入二禪時，覺觀為罪，二禪所攝善⁶⁰意為無罪；乃至非有想非無想處亦如是。

入諸法實相中，一切諸觀、諸見、諸法皆名為罪。⁶¹

C、合法

小乘人，畏三惡道故，以十不善業為罪。

⁵⁸ 毘尼：生小乘心，菩薩破戒。（導師《大智度論筆記》 C007〕 p.195）

⁵⁹ [欲] — 【宋】【元】【明】【宮】。（大正 25，345d，n.8）

⁶⁰ 《大正藏》原作「義」，今依《高麗藏》作「善」（第 14 冊，776a16）。

義=善【宮】【聖】。（大正 25，345d，n.9）

⁶¹ 除妄見心力諸觀：入實相中，諸觀、諸見、諸法皆名罪。（導師《大智度論筆記》 C025〕 p.228）

大乘人，以一切能生著心取相法與三解脫門相違者名為罪。
以是事異，故名為大乘。

2、若取三業相則生六蔽心，不能除三 麤業；若不取三業相則不生六蔽心，能除三麤業

若見有是三業，雖不起惡，亦不名牢固；不見是身口意是三業根本，是為牢固。是菩薩法空故，不見是三事；用是三事，起慳貪相、犯戒相、瞋恚⁶²相、懈怠相、散亂相、愚癡相。因無故果亦無，如無樹則無蔭；若能如是觀者，則能除身口意 麤業。

※ 因論生論：先說「罪業」，云何又言「麤業」

問曰：先說「罪業」，今何以故言「麤業」？

答曰：

(1) 麤業、罪業無異

麤業、罪業無異；罪即是麤，不名為細。

(2) 聲聞人雖以意不善業等為細，但於大乘法則盡皆為麤

復次，聲聞人以身、口不（346a）善業名為麤，意不善業名為細；瞋恚、邪見等諸結使名為麤罪，愛、慢等結使名為細罪；三惡覺——所謂欲覺、瞋覺、惱覺名為麤，親里覺、國土覺、不死覺名為細，但善覺名為微細。⁶³於摩訶衍中盡皆為麤，以是故此說「麤罪」。

三、云何除三種 麤業

【經】舍利弗白佛言：「世尊！菩薩摩訶薩云何除身、口、意麤業？」

佛告舍利弗：「若菩薩摩訶薩不得身、不得口、不得意，如是菩薩摩訶薩能除身口意麤業。

「復次，舍利弗！菩薩摩訶薩從初發意行十善道，不生聲聞心、不生辟支佛心，如是菩薩摩訶薩能除身口意麤業。」

⁶² [恚] — 【宋】【元】【明】【宮】【聖】。(大正 25, 345d, n.11)

⁶³ (1) 參見《成實論》卷 14〈182 惡覺品〉：「若人雖不睡眠而起不善覺，所謂欲覺、瞋覺、惱覺，若親里覺、國土覺、不死覺、利他覺、輕他覺等；寧當睡眠，勿起此等諸不善覺。應當正念出等善覺，所謂出覺、不瞋惱覺、八大人覺。」(大正 32, 352b1-5)

《成實論》卷 14〈183 善覺品〉：「八大人覺者，佛法中若少欲者能得利益，非多欲者；知足者、遠離者、精進者、正憶者、定心者、智慧者、無戲論者能得利益，非戲論者——是名為八。」(大正 32, 353b5-8)

(2) 《大智度論》卷 23〈1 序品〉：「麤心相名覺，細心相名觀；初緣中心發相名覺，後分別籌量好醜名觀。有三種麤覺：欲覺、瞋覺、惱覺。有三種善覺：出要覺、無瞋覺、無惱覺。有三種細覺：親里覺、國土覺、不死覺。六種覺妨三昧，三種善覺能開三昧門。」(大正 25, 234b3-8)

(3) 隋·慧遠撰《大乘義章》卷 5：「八惡覺之義，出《地持論》。邪心思想，名之為覺；覺違正理，故稱為惡。惡覺不同，離分有八。八名是何？一是欲覺，二是瞋覺，三名害覺，四、親里覺，五、國土覺，六、不死覺，七、族姓覺，八、輕侮覺。思量世間可貪之事而起欲心，名為欲覺；思量世間怨憎之事而起瞋心，名為瞋覺，亦名恚覺；念知打罵乃至奪命，名為害覺，亦名惱覺；追憶親戚，名親里覺；念世安危，名國土覺；謂身不死為積眾具，名不死覺；又積眾具資身令活，亦名不死覺；思念氏族若高若下，名族姓覺；念陵他人，名輕侮覺——侮猶慢也。此八猶是修道四使，欲、親、國土，貪分攝；瞋、害二覺，是瞋分攝；不死覺者，是癡分攝；族姓、輕侮，是慢分攝。八覺如是。」(大正 44, 574c1-14)

【論】

〔一〕不得身口意，能除三 麤罪

1、辨麤細業

問曰：何等身、口、意細業與相違者為麤？

答曰：⁽¹⁾如前所說者是。

⁽²⁾復次，凡夫人業於聲聞業為麤，聲聞業於大乘為麤。

⁽³⁾復次，垢業為麤，非垢業為細。

⁽⁴⁾能生苦受因緣業為麤，不生苦受因緣業為細。

⁽⁵⁾有覺有觀業為麤，無覺無觀業為細。

⁽⁶⁾復次，見我乃至知者、見者為麤；若不見我乃至知者、見者，但見三業處、五眾、十二入、十八界為細。

⁽⁷⁾復次，有所見者名為麤，無所見者名為細。

2、結

以是故，佛告舍利弗：「若菩薩不得身口意，是時則除三麤業。」

〔二〕住空行十善、不生二乘心，能除三麤罪

復次，初發意住畢竟空中，一切法不可得，而常行十善道，不起聲聞、辟支佛心；以不取相心，一切諸善根皆迴向阿耨多羅三藐三菩提，是名菩薩除身口意麤業罪，名為清淨。⁶⁴

〔參拾肆〕第三十四類菩薩：菩薩住般若，淨佛道〔行六度〕——一切諸法不可得故（〔D010〕p.257）

【經】「舍利弗！有菩薩摩訶薩行般若波羅蜜淨佛道時，行檀波羅蜜、尸羅波羅蜜、羼提波羅蜜、毘梨耶波羅蜜、禪波羅蜜，是名菩薩摩（346b）訶薩除身口意麤業⁶⁵。」

舍利弗白佛言：「世尊！何等是菩薩摩訶薩佛道？」

佛告舍利弗：「佛道者，若菩薩摩訶薩不得身、不得口、不得意，不得檀波羅蜜乃至不得般若波羅蜜，不得聲聞、辟支佛，不得菩薩，不得佛；舍利弗！是名菩薩摩訶薩佛道，所謂一切諸法不可得故。」

【論】釋曰：

一、標行六度淨佛道

是菩薩依六波羅蜜總相淨佛道。

二、釋疑：佛已說「除三惡、三麤即是淨佛道」，今舍利弗何以更問

問曰：舍利弗從佛聞除三惡、三麤，即是淨佛道，今何以更問？

答曰：

〔一〕先說三業淨，今說一切法淨

先說三業清淨相，今說一切法清淨相。

⁶⁴ 罪非罪，麤罪細罪——如何除：不得三業相，不生二乘心。（導師《大智度論筆記》〔D010〕p.253）

⁶⁵ 〔是名菩薩……業〕十三字—【宋】【宮】【聖】【石】。（大正 25，346d，n.6）

（二）先略說，今說別相

先略說，今說別相。

（三）先但三業空，今眾生空及法空

先但不得三業；今不得六波羅蜜、諸賢聖菩薩及佛，是名淨佛道，一切法皆不可得故。

不得身乃至不得般若波羅蜜，是名法空。

不得聲聞乃至佛，是名眾生空。

菩薩住是二空中，漸⁶⁶得一切不可得空——不可得空即是諸法實相。⁶⁷

是「不可得空」義，如先「十八空」中說。⁶⁸

（參拾伍）第三十五類菩薩：菩薩住般若，無能壞〔行六度〕——不念一切法故（〔D010〕p.257）

【經】「舍利弗！有菩薩摩訶薩行六波羅蜜時，無能壞者。」

舍利弗白佛言：「世尊！云何菩薩摩訶薩行六波羅蜜時，無能壞者？」

佛告舍利弗：「若菩薩摩訶薩行六波羅蜜時，不念有色乃至識，不念有眼乃至意，不念有色乃至法，不念有眼界乃至法界，不念有四念處乃至八聖道分，不念有檀波羅蜜乃至般若波羅蜜，不念有十力乃至十八不共法，不念有須陀洹果乃至阿羅漢果，不念有辟支佛乃至阿耨多羅三藐三菩提。舍利弗！菩薩摩訶薩如是行，增益六波羅蜜，無能壞者。」

【論】釋曰：

佛為舍利弗種種分別諸菩薩，次為說有菩（346c）薩發心時無有能壞者。

舍利弗驚喜恭敬諸菩薩，是故問：「菩薩結使未斷，未於實相⁶⁹法作證，何因緣故不可破壞？」

佛答：「若菩薩不念有色，乃至不念有阿耨多羅三藐三菩提；得是法空故，亦得眾生空。若是法空，觀空者亦空。住是無礙般若波羅蜜中，無有能壞者。」⁷⁰

（參拾陸）第三十六類菩薩：菩薩住般若，具智慧——此慧能具足一切法，亦不得一切法（〔F038〕p.372）

一、具智慧，不墮下賤處，不為人、天、阿修羅憎惡

【經】「舍利弗！有菩薩摩訶薩住般若波羅蜜中，具足智慧。以是智慧，常不墮惡道，不生弊惡人中，不作貧窮人；所受身體，不為人、天、阿修羅所憎惡。」

【論】釋曰：

此菩薩先世來愛樂智慧，學一切經書，觀察思惟，聽採諸法，自以智力推求一切法中

⁶⁶ 漸+（漸）【宋】【元】【明】【宮】【聖】【石】。（大正 25，346d，n.8）

⁶⁷ （1）二空：住二空。漸得不可得空（實相）。（導師《大智度論筆記》〔D014〕p.257）

（2）不可得空：是諸法實相。（導師《大智度論筆記》〔F019〕p.350）

⁶⁸ 參見《大智度論》卷 31（大正 25，295c7-296a9）。

⁶⁹ 〔相〕—【宋】【元】【明】【宮】【聖】【石】。（大正 25，346d，n.9）

⁷⁰ （1）無礙智慧：達法空，知觀空者亦空，得無礙般若。（導師《大智度論筆記》D002〕p.238）

（2）得二空——住無礙般若中。（導師《大智度論筆記》〔D014〕p.257）

實相。⁷¹得是一切法實相故，爲諸佛深心愛念。是無量智慧福德因緣故，身心具足，常受富樂，無諸不可。

【經】

二、用是智慧，見十方諸佛，聽法、見僧，亦見嚴淨佛土

舍利弗白佛言：「世尊！何等是菩薩摩訶薩智慧？」

佛告舍利弗：「菩薩摩訶薩用是智慧，成就見十方如恒河沙等諸佛、聽法、見僧，亦見嚴淨佛土。

三、以是智慧，不著心、不取相，能具足一切法，亦不得一切法

「菩薩摩訶薩以是智慧，不作佛想，不作菩薩想，不作聲聞、辟支佛想，不作我想，不作佛國想。用是智慧行檀波羅蜜，亦不得檀波羅蜜，乃至行般若波羅蜜，亦不得般若波羅蜜；行四念處，亦不得四念處，乃至行十八不共法，亦不得十八不共法。舍利弗！是名菩薩摩訶薩智慧。用是智慧，能具足一切法，亦不得一切法。⁷²

【論】釋曰：

(一) 釋「何等是菩薩智慧」

是中佛說二種智慧：一者、分別破壞諸法而不取相，二者、不著心、不取相見十方諸佛聽法。

(二) 釋「能具足一切法，亦不得一切法」

1、學施度：行布施波羅蜜而不得布施

問曰：云何行檀波羅蜜而不得檀？

答曰：不(347a)得檀中若一若異、若實若空。是檀從和合因緣生，於是檀中令眾生得富樂，及勸助佛道；以是故，行檀亦不得檀。

「不得」義，如上說。⁷³

2、例餘法

乃至十八不共法，亦如是。

(三) 結成

是名菩薩智慧能具足一切法而不得諸法。

(參拾柒) 第三十七類菩薩：菩薩住般若，淨五眼 (導師《大智度論筆記》 [F038] p.372)

⁷¹ 菩薩種種法入佛道，如〈往生品〉：有先世來，愛樂智慧，學一切經書，觀察思惟，自以智力推求一切法中實相，得法實相。(導師《大智度論筆記》 [D030] p.279)

⁷² 般若——二種智慧：不得一切法，通達一切法。(導師《大智度論筆記》 [A039] p.75)

⁷³ 參見《大智度論》卷 39 〈4 往生品〉：「先但不得三業，今不得六波羅蜜、諸賢聖菩薩及佛，是名淨佛道，一切法皆不可得故。不得身乃至不得般若波羅蜜，是名法空；不得聲聞乃至佛，是名眾生空。菩薩住是二空中，漸得一切不可得空，不可得空即是諸法實相。是不可得空義，如先十八空中說。」(大正 25, 346b11-17)

另參見《大智度論》卷 18 (197a26-b9)，卷 31 (295c7-296a9)，卷 32 (302a20-23)。

【經】

一、總標：行般若時淨五眼

「舍利弗！有菩薩摩訶薩行般若波羅蜜時，淨於五眼：肉眼、天眼、慧眼、法眼、佛眼。」

二、別釋

(一) 肉眼淨

舍利弗白佛言：「世尊！云何菩薩摩訶薩肉眼淨？」

佛告舍利弗：「有菩薩肉眼見百由旬，有菩薩肉眼見二百由旬，有菩薩肉眼見一閻浮提，有菩薩肉眼見二天下、三天下、四天下，有菩薩肉眼見小千世界，有菩薩肉眼見中千世界，有菩薩肉眼見三千大千世界。⁷⁴舍利弗！是為菩薩摩訶薩肉眼淨。」

【論】

1、何故不說「生五眼」而說「淨五眼」

問曰：佛何以不說「行般若波羅蜜生五眼」，而說「淨五眼」？

答曰：菩薩先有肉眼，亦有四眼分，⁷⁵以諸罪結使覆故不清淨。如鏡性有照明，垢故不見；若除垢，則照⁷⁶明如本。⁷⁷菩薩行六波羅蜜，滅諸垢法故，眼得清淨。

2、五眼清淨之因緣⁷⁸

(1) 肉眼：業因緣

肉眼，業因緣故清淨。

(2) 天眼：禪定及業因緣

天眼，禪定及業因緣故清淨。

(3) 慧眼、法眼、佛眼：修無量智慧福德因緣

餘三眼，修無量智慧福德因緣故清淨。

3、明肉眼可見範圍

(1) 顯菩薩肉眼最勝能見三千大千世界

最大菩薩，肉眼最勝見三千大千世界。

A、菩薩肉眼何能無礙，二說（導師《大智度論筆記》〔A053〕p.90）

問曰：若三千大千世界中，百億須彌山，諸山鐵圍、山⁷⁹阜、樹木等，是事障礙，云何得遍見？若能得見，何用天眼？若不能見，此中云何說「見三千大千世界」？

答曰：

⁷⁴ 菩薩肉眼：有見百由旬乃至三千大千世界。（導師《大智度論筆記》 A053〕p.90）

⁷⁵ 眾生本有五眼。（導師《大智度論筆記》 A053〕p.90）

⁷⁶ [照]—【宋】【宮】【聖】【石】。（大正 25，347d，n.2）

⁷⁷ 五眼本淨，如鏡性有照明，垢故不見，若除垢則照明如本。（導師《大智度論筆記》 C014〕p.210）

⁷⁸ 五眼三種淨。（導師《大智度論筆記》 A053〕p.90）

⁷⁹ 山=陵【宋】【元】【明】【宮】【聖】【石】。（大正 25，347d，n.4）

(A) 若無障礙，得見三千世界

不以障礙故見；若無障礙，得見三千世界，如觀掌無異。

(B) 菩薩業報生天眼常在肉眼，能見三千世界無礙

復次，有人言：菩薩天眼有二種：一者、從禪定力得，二者、先世行業果報得。業報生天眼，常在肉眼（347b）中，以是故三千世界所有之物，不能為礙；因天眼開障，肉眼得見。是故肉眼得名果報生天眼，常現在前，不待攝心。

B、菩薩肉眼何故最多但見大千，四說（導師《大智度論筆記》〔A053〕p.90）

問曰：佛為世尊，力皆周遍，何以但見一三千大千世界，不能見多？

答曰：

(A) 若肉眼過三千大千世界能見，何用天眼

若肉眼能過三千大千世界復有所見者，何用天眼？以肉眼不能及故，修學天眼。

(B) 過三千世界皆是虛空，空中有風，與肉眼相違故不見

復次，三千大千世界，劫初一時生，劫盡一時滅；世界之外，無央數由旬皆是虛空，空中常有風。⁸⁰肉眼與風相違，以相違故，不能得過見異世界。或有菩薩住三千世界境上，計其道數，亦應見他方近世界。

問曰：菩薩及佛，何以不集無量清淨福德令肉眼遠有所見？

答曰：

(A) 肉眼因緣虛誑不淨故

是肉眼因緣虛誑不淨，天眼因緣清淨；若無天眼，當修肉眼，強令遠見。

(B) 此經但說「極遠見三千世界」，餘經或有說「過三千世界」者，此中不說

復次，如經中說「極遠見三千世界」；佛法不可思議，經法甚多，或能遠見，但此中不說。

(2) 舉餘肉眼所見，最小者見百由旬

小遠見⁸¹佛道菩薩，見二千中世界，不能種清淨業因緣故小；復不如者，見小千世界；復不如者，見四天下、一須彌山、一日月處；又見三天下、二天下、一天下、千由旬，乃至百由旬——是名最小肉眼淨。

A、因論生論：為何說最小者見百由旬，而不說九十、八十等由旬

問曰：何以不說九十、八十等由旬以為小？

答曰：

(A) 轉輪聖王

轉輪聖王所見，過於餘人。

(B) 人

又人先世然燈等因緣故，得堅固眼根，能遠有所見——雖遠，終不能見百由旬。

⁸⁰ 大千外：虛空中有風。（導師《大智度論筆記》 A〔058〕 p.99）

⁸¹ 〔見〕—【宋】【宮】【聖】。（大正 25，347d，n.8）

(C) 菩薩

以是故，菩薩小者見百由旬。

B、日月極遠云何能見（導師《大智度論筆記》〔A053〕p.90）

問曰：日月在上，去地四萬二千由旬，人皆能見，何以不能見百由旬？見百由旬何足稱⁸²？

答曰：日月雖遠，自有光明還照其形，人得見之；餘色不然。

又日月遠故，雖見而顛（347c）倒。所以者何？日月方圓五百由旬，而今所見，不過如扇；大而見小，顛倒非實。⁸³菩薩肉眼則不然！

4、菩薩肉眼能見何事

問曰：菩薩既得肉眼，能見何事？

答曰：見可見色。「色」義，「色眾」中廣說。⁸⁴

(二) 天眼淨

【經】舍利弗白佛言：「世尊！云何菩薩摩訶薩天眼淨？」

佛告舍利弗：「菩薩摩訶薩天眼，見一切⁸⁵四天王天所見，見⁸⁶三十三天、夜摩天、兜率陀天、化樂天、他化自在天所見，見梵天王所見乃至阿迦尼吒⁸⁷天所見。菩薩天眼所見者，四天王天⁸⁸乃至阿迦尼吒天所⁸⁹不知、不見。舍利弗！是菩薩摩訶薩天眼，見十方如恒河沙等諸佛世界中眾生死此生彼。舍利弗！是為菩薩摩訶薩天眼淨。」

【論】釋曰：

1、菩薩天眼：二種：修得、報得——即在肉眼中（導師《大智度論筆記》〔A053〕p.90）

菩薩天眼有二種：一者、果報得，二者、修禪得。⁹⁰果報得者，常與肉眼合用，唯夜闍天眼獨用。

(1) 果報得天眼

A、諸人

諸人得果報天眼，見四天下、欲界諸天，見下不見上；

B、菩薩

菩薩所得果報天眼，見三千大千世界。

(2) 離欲得天眼

禪定離欲天眼所見，如先「十力天眼明」中說。⁹¹

⁸² 稱：稱道，稱揚。（《漢語大詞典（八）》，p.111）

⁸³ 日月量及倒見。（導師《大智度論筆記》〔A058〕p.99）

⁸⁴ 參見《大智度論》卷 36（大正 25，324b1-325a3）。

⁸⁵ [一切] - 【宋】【元】【明】【宮】【石】。（大正 25，347d，n.11）

⁸⁶ [見] - 【宋】【元】【明】【宮】【聖】【石】。（大正 25，347d，n.12）

⁸⁷ 尼吒=貳吒【聖】【石】*，尼=貳【宋】【宮】，尼=膩【元】【明】。（大正 25，347d，n.13）

⁸⁸ [天] - 【宋】【元】【明】【宮】【石】，天=無【聖】。（大正 25，347d，n.14）

⁸⁹ (無) + 所【宋】【宮】【明】。（大正 25，347d，n.15）

⁹⁰ 菩薩二種天眼。（導師《大智度論筆記》〔J014〕p.531）

2、遍見欲色界諸天所見，更過之，見十方恆河沙世界眾生生死（〔A053〕 p.90）

菩薩用是天眼，見十方如恆河沙等世界中眾生生死、善惡好醜及善惡業因緣，無所障礙。一切皆見四天王天乃至阿迦尼吒天所見，又能過之；是諸天不能知菩薩天眼所見。⁹²何以故？是菩薩出三界、得法性生身、得菩薩十力故。如是等因緣，菩薩天眼淨。

3、例餘

餘菩薩天眼論議，如「讚菩薩五神通」中說。⁹³

（三）慧眼淨

【經】舍利弗白佛言：「世尊，云何菩薩摩訶薩慧眼淨？」

佛告舍利弗：「慧眼菩薩不作是念：有法若有為、若無為，若世間、若出世間，若有漏、若無漏。是慧眼菩薩，無法不見，無法不聞，（348a）無法不知，無法不識。⁹⁴舍利弗！是為菩薩摩訶薩慧眼淨。」⁹⁵

【論】釋曰：

1、云何求慧眼

肉眼不能見障外事，又不能遠見，是故求天眼。

天眼雖復能見，亦是虛誑，見一異相，取男女相，取樹木等諸物相；見眾物和合虛誑法，⁹⁶以是故求慧眼——慧眼中無如是過。

2、何等是慧眼相

（1）慧眼體十說（導師《大智度論筆記》〔A053〕 p.90，〔F039〕，p.373）

問曰：若爾者，何等是慧眼相？

答曰：

A、八道中正見——見五眾實相故（導師《大智度論筆記》〔F039〕 p.373）

有人言：八聖道中正見是慧眼相，能見五受眾實相、破諸顛倒故。

B、緣涅槃慧——所緣不可壞故，是真實非虛誑（導師《大智度論筆記》〔F039〕 p.373）

有人言：能緣涅槃慧，名為慧眼；所緣不可破壞故，是智慧非虛妄。

C、三脫相應慧——能開涅槃門故（導師《大智度論筆記》〔F039〕 p.373）

有人言：三解脫門相應慧，是名慧眼。何以故？是慧能開涅槃門故。

⁹¹（1）參見《大智度論》卷 24（大正 25，240b19-c10）。

（2）菩薩天眼：各種天眼見不同。（導師《大智度論筆記》〔A053〕 p.90）

⁹²菩薩天眼：遍見欲色界諸天所見，更過之，見十方恆河沙世界眾生生死。（導師《大智度論筆記》〔A053〕 p.90）

⁹³參見《大智度論》卷 5（大正 25，97c-98b）。

⁹⁴（1）《放光般若經》卷 2：「慧眼菩薩，無法不見、無法不聞、無法不識、無法不覺，是為菩薩於慧眼淨。」（大正 8，9a17-19）

（2）《大般若波羅蜜多經》卷 8：「是菩薩摩訶薩得淨慧眼，於一切法，非見非不見、非聞非不聞、非覺非不覺、非識非不識。」（大正 5，43b25-27）

（3）參見印順法師著《如來藏之研究》（p.90 - p.92）。

⁹⁵菩薩慧眼：不念一切；無法不見聞知識。（導師《大智度論筆記》〔A053〕 p.90）

⁹⁶肉眼、天眼之缺陷。（導師《大智度論筆記》〔A053〕 p.90）

D、智慧能觀實際，了了深入悉知（導師《大智度論筆記》 F039〕 p.373）

有人言：智慧現前，能觀實際，了了深入，通達悉知，是名慧眼。

E、能達法性直過無礙（導師《大智度論筆記》 F039〕 p.373）

有人言：能通達法性，直過無礙。

F、定心知諸法相如（導師《大智度論筆記》 F039〕 p.373）

有人言：定心知諸法相如，是名慧眼。

G、法空（導師《大智度論筆記》 F039〕 p.373）

有人言：法空是名慧眼。

H、不可得空，法空亦不得（導師《大智度論筆記》 F039〕 p.373）

有人言：不可得空中，亦無法空，是名慧眼。

I、十八空（導師《大智度論筆記》 F039〕 p.373）

有人言：十八空皆是慧眼。

J、癡慧不二，世出世不二，諸觀滅，心行息，言語滅，世間法相如涅槃（ F039〕 p.373）

有人言：癡、慧非一非異。世間法不異出世間，出世間法不異世間；世間法即是出世間，出世間法即是世間。所以者何？異不可得故。⁹⁷諸觀滅，諸心行轉還無所去，滅一切語言，世間法相如涅槃不異⁹⁸——如⁹⁹是智慧，是名慧眼。

(2) 菩薩慧眼：不戲論慧，捨二邊，行中道，故不取一切，而無法不見等（〔 A053〕 p.90）

A、離二邊，以不戲論慧行於中道

復次，此中佛自說：「慧眼菩薩，一切法中不念有為、若無為，若世間、若出世間，若有漏、若無漏等。」是名慧眼。

若菩薩見有為、世間、有漏，即墮有見中；若見無為、出世間、無漏，即墮無見中。是有無二見捨，以不戲論慧，行於中道，是名慧眼。¹⁰⁰

B、得慧眼，無法不見、無法不聞、無法不知、無法不識

(A) 明因：破邪曲諸法、無明（導師《大智度論筆記》〔 A053〕 p.91）

得是慧眼，無法不見、無法不聞、無法不知、無法不識。所以者何？得是慧眼，破邪曲諸法、無明諸法；總相、(348b)別相各皆如是¹⁰¹。

(B) 大小慧眼之別，三說（導師《大智度論筆記》〔 A053〕 p.91，〔 F039〕 p.373）

問曰：阿羅漢、辟支佛亦得慧眼，何以不說無法不見、無法不聞、無法不知、無法不識？

答曰：

a、小乘見總相（無常等），大乘以總相別相慧觀諸法（導師《大智度論筆記》〔 F039〕 p.373）

⁹⁷ 愚智一如：異不可得故。（導師《大智度論筆記》〔 E017〕 p.314）

⁹⁸ 如涅槃相：痴慧、世出世，不一不異，諸觀滅，諸心行轉還無所去，滅言語，世間法相如涅槃。（導師《大智度論筆記》 D026〕 p.276）

⁹⁹ 如=能得【宋】【元】【明】【宮】【聖】【石】。（大正 25，348d，n.1）

¹⁰⁰ 中、邊：見有為、世間、有漏，墮有見，見無為、出世間、無漏，墮無見中——不戲論慧行於中道。（導師《大智度論筆記》〔 D015〕 p.258）

¹⁰¹ 是=法【宋】【宮】【聖】【石】。（大正 25，348d，n.3）

慧眼有二種：一者、總相，二者、別相。
聲聞、辟支佛見諸法總相，所謂無常、苦、空等；佛以總相、別相慧觀諸法。
聲聞、辟支佛雖有慧眼，有量有限。

b、小乘見實相而少，大乘慧眼照諸法實性盡其邊際（導師《大智度論筆記》〔F039〕p.373）

復次，聲聞、辟支佛慧眼，雖見諸法實相，因緣少故，慧眼亦少，不能遍照法性；¹⁰²譬如燈油炷雖淨，小故不能廣照。

諸佛慧眼，照諸法實性，盡其邊底，以是故無法不見、無法不聞、無法不知、無法不識；譬如劫盡，火燒三千世界，明無不照。

c、小乘若同大乘，久劫修行何用（導師《大智度論筆記》〔F039〕p.373）

復次，若聲聞、辟支佛慧眼無法不知者，與一切智人有何等異？菩薩世世集福德智慧苦行，何所施用？

(C) 釋疑：應是「佛眼無法不知」，云何言「慧眼無法不知」

問曰：佛用佛眼，無法不知，非是慧眼；今云何言「慧眼無法不知」？

答曰：慧眼，成佛時變名佛眼，無明等諸煩惱及習滅故，一切法中皆悉明了。¹⁰³如「佛眼」中說：「無法不見、聞、知、識。」以是故，肉眼、天眼、慧眼、法眼，成佛時失其本名，但名佛眼。¹⁰⁴譬如閻浮提四大河，入大海中，則失其本名。何以故？

※ 五眼誑不誑、淨不淨¹⁰⁵（導師《大智度論筆記》〔A053〕p.91，〔F039〕p.373）

a、肉眼：虛誑

肉眼，諸煩惱有漏業生故，虛誑不實；唯佛眼無誑法。

b、天眼：虛誑

天眼，亦從禪定因緣和合生故，虛誑，不能如實見事。

c、慧眼，d、法眼：有習故不淨

慧眼、法眼，煩惱習未盡故，不畢竟清淨故捨。

e、佛眼：清淨

佛眼中無有謬錯，盡其邊極！

以是故，阿羅漢、辟支佛慧眼不能畢竟清淨，故不能無法不見。

(D) 佛報得肉眼見色云何

¹⁰² 小乘得實相乎：見而不照法性。（導師《大智度論筆記》〔D013〕p.256）

¹⁰³ 慧眼，成佛時變名佛眼，無明等諸煩惱及習滅故。（導師《大智度論筆記》〔A053〕p.91）

¹⁰⁴ 成佛，四眼皆名佛眼。（導師《大智度論筆記》〔A053〕p.91）

五眼誑不誑淨不淨	┌肉眼┐		
	└天眼┘	┌虛誑┐	
	└慧眼┘	┌有習故不淨┐	└如實見┘
	└法眼┘	└佛眼┘	
	└佛眼┘	└清淨┘	

（導師《大智度論筆記》〔F039〕p.373）

問曰：佛現得果報肉眼，能見色，是事云何？

答曰：

a、佛雖肉眼生眼識，不隨肉眼轉（導師《大智度論筆記》 A053] p.91）

肉眼雖生眼識，而佛不隨其用，不以爲實；¹⁰⁶如「聖自在神通」中說，¹⁰⁷佛告阿難：「所見（348c）好色中生厭惡心，眼見惡色生不惡厭心；¹⁰⁸或時見色不生污穢、不污穢，但生捨心。」如是則肉眼無所施用。

b、得聖道時五情清淨異本（導師《大智度論筆記》 A053] p.91）

復次，有人言：得聖道時，五情清淨異本。

(3) 諸法畢竟空、諸法通達無礙，合名慧眼（導師《大智度論筆記》 [A053] p.91）

復次，諸法畢竟空及諸法通達無礙，是二總爲慧眼。

¹⁰⁶ 佛雖肉眼生眼識，不隨肉眼轉。

¹⁰⁷ 聖自在神通，參見《大智度論》卷 5（大正 25，98a3-5），卷 26（249b3-4），卷 28（264c17-19）。

¹⁰⁸（1）告阿難：見好色生厭惡心等。（導師《大智度論筆記》 G011] p.385）

（2）經：所見好色中生厭惡心。（導師《大智度論筆記》 H001] p.390）